

**KARATE SAVEZ BOSNE I HERCEGOVINE
КАРАТЕ САВЕЗ БОСНЕ И ХЕРЦЕГОВИНЕ
KARATE SAVEZ BOSNE I HERCEGOVINE**



**PRAVILNIK ZA STICANJE MAJSTORSKIH
KARATE ZVANJA (DAN-a)**

Sarajevo, 24.03.2021. godina

Na osnovu člana 29 Statuta Karate Saveza Bosne i Hercegovine, Upravni odbor Saveza je na 13. sjednici održanoj 24.03.2021.usvojio

PRAVILNIK ZA STICANJE MAJSTORSKIH KARATE ZVANJA (DAN-a)

1. OPŠTE ODREDBE

- 1.1.Osnov za sticanje zvanja (pojasa) je lični dostignuti nivo poznavanja i uvježbanosti programa za polaganje.
- 1.2. Bojom pojasa označava se stepen ovladanosti karate sportom.
- 1.3. Nošenje pripadajućeg pojasa je pravo i obaveza svakog pojedinca.
- 1.4. Program za polaganje je sastavni dio ovog Pravilnika.

2. USLOVI ZA DODJELU ZVANJA

2.1. OPŠTI USLOVI:

- 2.1.1. Pripadnost klubu, uredno registrovanom u entitetskom Savezu a evidentiran u KS BiH.
- 2.1.2. Uredno popunjena i ovjerena diploma sa upisanim zvanjem.
- 2.1.3. Kandidati za crne pojaseve (DAN-e) , moraju imati prijavu za polaganje ovjerenu od matičnog kluba i entitetskog Saveza.
- 2.1.4. Uplata propisane takse.

2.2. VREMENSKI USLOVI /minimalni/

2.2.1. CRNI POJAS / DAN

2.2.1.Sistem zvanja

2.2.2. Sistem zvanja je zasnovan na priznavanju ličnog nivoa poznavanja karate vještine kandidata (takmičar,trener, sudija, naučno-istraživački radnik, i dokazani sportski radnik itd.)

2.2.3.Majstorska zvanja u Svjetskoj karate federaciji i Karate Savezu BiH su od 1.DAN-a do 10.DAN-a koje dodjeljuje **isključivo** Karate Savez BiH.

2.2.4.Zvanja od 1.DAN-a do 5.DAN-a dodjeljuju entitetski Savezi.

2.2.5.Karate Savez Bosne i Hercegovine zvanja može dodjeljivati i verifikovati samo svojim članovima.

2.2.6.Dodijeljena zvanja mogu biti potvrđena od WKF-a,odnosno za njih se može dobiti diploma WKF-a.(od 1.DAN-a - 8.DAN-a).

2.2.7.Troškovi potvrđivanja/verifikacije diploma, zvanja-DAN-a Karate saveza Bosne i Hercegovine, su regulisani cjenovnikom, Svjetske karate federacije/WKF.

- 1.DAN-200 CHF
- 2.DAN-200 CHF
- 3.DAN-200 CHF
- 4.DAN-250 CHF
- 5.DAN-300 CHF
- 6.DAN-350 CHF
- 7.DAN-400 CHF
- 8.DAN-450 CHF

Black belt kartica-40 CHF

2.2.8.Molbu za izdavanje diploma podnosi Savez u skladu sa propisanom Procedurom WKF-a.

2.2.9.Diplomu o dodijeljenom zvanju izdaje Predsjednik WKF-a, a predsjednik Saveza je supotpisnik na diplomi.

2.2.10. Savez može za razvoj i unapređenje karate sporta dodijeliti i zvanje 9.DAN ili 10.DAN, ali za ta zvanja nije moguće dobiti diplomu WKF-a.

2.2.11. Zvanja 9.DAN ili 10.DAN za razvoj i unapređenje karate sporta na svjetskom nivou, u skladu sa propisanim procedurom na prijedlog Izvršnog odbora WKF-a dodjeljuje Kongres.

2.2.1.2. OPŠTI USLOVI

Navedena starosna dob i vremenski intervali su uslovi za sticanje zvanja

6.DAN (Rokudan) – min.35 godina starosti i min. 6 godina od sticanja zvanja 5.DAN (Godan)

- Da je trener ili selektor sa najmanje 4. godine staža na tim funkcijama,
- Da je imao ili ima minimalno dva reprezentativca u međunarodnom službenom sistemu takmičenja.
- Ostvareni rezultati takmičara, zlatna, srebrna ili bronzana medalja na Evropskom/EKF ili Svjetskom prvenstvu za seniore/U21/kadete i juniore/WKF)
- Da je sudija sa važećom EKF ili WKF licencom.

7. DAN (Nanadan) – min.42 godine starosti i min. 7 godina od sticanja zvanja 6.DAN (Rokudan)

- Da je trener ili selektor najmanje 8 godina (ostvareni rezultati takmičara, zlatna, srebrna ili bronzana medalja na Evropskom/EKF ili Svjetskom prvenstvu za seniore/WKF)
- Da je imao ili ima najmanje 5 reprezentativaca u međunarodnom službenom sistemu takmičenja
- Da je sudija sa važećom WKF licencom
- Da ima objavljene naučno-istraživačke radove iz oblasti karate sporta u renomiranim/akreditiranim časopisima.
- Da svojim izuzetnim sportsko-diplomatskim angažovanjem posebno doprinosi razvoju i popularizaciji karate sporta.

8. DAN (Hachidan) – min.50 godina starosti i min. 8 godina od sticanja zvanja 7.DAN (Rokudan)

- Da je trener ili selektor najmanje 12 godina (ostvareni rezultati takmičara, zlatna, srebrna ili bronzana medalja na Svjetskom prvenstvu za seniore/WKF)

9. DAN (Kyudan) – Dodjeljuje se za izuzetan doprinos karate sportu.

10. DAN (Judan) - Dodjeljuje se za izuzetan doprinos karate sportu.

3.ORGANIZACIJA I DODJELA ZVANJA

3.1.1. Organizator dodjele visokih majstorskih zvanja (6.DA-a do 10.DAN-a) je isključivo Upravni odbor Karate saveza Bosne i Hercegovine.

- Savez može tehničku organizaciju dodjele majstorskih zvanja povjeriti i entitetskom Savezu.

☐ Organizator dodjele majstorskih zvanja je dužan da obezbijedi optimalne uslove, poštujući odredbe ovog Pravilnika i ostalih normativnih akata Saveza.

3.1.2. Termin dodjele majstorskih zvanja se određuje Kalendarom aktivnosti Saveza

3.1.3. Najveća majstorska zvanja od 6. DAN-a do 10. DAN-a dodjeljuju se za izuzetan doprinos u razvoju karate sporta na takmičarskom, trenerskom, sudijskom, naučno-istraživačkom i sportsko-diplomatskom planu.

Savez može da dodijeli zvanje i majstoru koji nema potrebne godine života i razmak između dodjele dva zvanja samo u izuzetnim slučajevima, i to samo onda kada majstor svojim takmičarskim, trenerskim, sudijskim, naučno-istraživačkim i sportsko-diplomatskim rezultatima posebno doprinosi u razvoju i popularizaciji karate sporta.

3.1.4. Upravni odbor formira Komisiju za dodjelu najvećih majstorskih zvanja koja je sačinjena od 5 članova.

- Predsjednik komisije je član koji ima najveće zvanje u karate sportu.

3.1.5. Predsjednik i članovi komisije za dodjelu majstorska zvanja moraju imati najmanje za jedan stepen više zvanje od onog za koji kandidati polažu.

3.1.6. Kandidati se evidentiraju na propisanom obrascu, koji je sastavni dio zapisnika o dodjeli zvanja. Da bi kandidat dobio veće zvanje za njega moraju glasati četiri od pet članova komisije.

-Kandidatima kojima se dodijeli jedno od najvećih majstorskih zvanja se isto upisuje, ovjerava i evidentira u Registar majstorskih zvanja Karate saveza Bosne i Hercegovine i uručuje im se diploma Karate saveza Bosne i Hercegovine.

4. VERIFIKACIJA ZVANJA

4.1. Verifikacija zvanja (6.DAN-a do 10.DAN-a) stečenog pred komisijom za zvanja druge države/Karate federacije Karate savez BiH vrši na osnovu zahtjeva kluba ili entitetskog Saveza i pismenog dokaza o zvanju koje se želi verifikovati.

4.2. Zvanje stečeno u drugoj državi/Karate federaciji bez prethodno dobivene saglasnosti može se verifikovati samo pod uslovom da je ta federacija udružena u EKF. ili WKF. i da je lice u toj državi neprekidno boravilo najmanje 12 mjeseci.

4.3. Saglasnost za polaganje izvan Bosne i Hercegovine daje Upravni odbor Karate Saveza BiH i to isključivo za zvanja za koja KS BiH ne može organizovati polaganje ili dodjelu zvanja na osnovu odredaba ovog Pravilnika, i drugih normativnih akata Saveza.

5. DODJELA ZVANJA ZASLUŽNIM SPORTISTIMA, TRENERIMA I SPORTSKIM RADNICIMA

5.1. Upravni odbor Saveza može samoinicijativno, na prijedlog Komisije za zvanja ili kluba dodijeliti zvanje crni pojas, licima koja su prema mišljenju upravnog odbora Saveza dala doprinos razvoju i unaprijeđenju karate sporta. Predlagač je dužan dostaviti detaljno obrazloženje.

5.2. Prijedlog u pisanoj formi mora sadržavati obrazloženje i dokaze o ispunjavanju uslova za dobivanje zvanja.

5.3. Počasno karate zvanje (1.-3.DAN) može dodijeliti Upravni odbor Saveza, samoinicijativno ili na prijedlog komisije, klubova.

6. FINANSIJSKE ODREDBE

6.1. Kandidati za dodjelu majstorskih zvanja (6.DAN-a do 8.DAN-a) uplaćuju taksu. Visinu takse određuje Upravni odbor Saveza BiH.

6.2. Kandidati za počasna zvanja, kao i kandidati za najveća majstorska zvanja (9. i 10.DAN) su oslobođeni plaćanja takse.

6.3. Taksu kandidat uplaćuje na Transakcijski račun Karate saveza Bosne i Hercegovine, najmanje 3 dana, prije zvanične dodjele diplome za zvanja.

7. ZAVRŠNE ODREDBE

7.1. Kandidati za zvanja crni pojas (1-5.DAN-a) koji žele polagati izvan BiH, moraju imati saglasnost Komisije za zvanja entitetskog Saveza i Karate Saveza BiH. Kandidatima za zvanja crni pojas (6.-10.DAN-a) nije dozvoljeno polaganje van granica Bosne i Hercegovine.

7.2. Kandidati koji su podnijeli zahtjev za dodjelu najvećih majstorskih zvanja (6-10.DAN) a protiv kojih se vodi krivični postupak ili su pravomoćno presuđeni za dokazana krivična djela ili ratni zločin, će biti odbačen.

7.3. Kršenje odredaba u cilju sticanja zvanja za sobom povlači suspenziju u svim oblastima karate sporta u trajanju od dvije godine.

7.4. Ispitivači koji održe ispit za zvanja ili dodjele zvanje bez odobrenja Komisije za zvanja, ili krše odredbe ovog Pravilnika, drugih normativnih akata ili odluka Upravnog odbora KS BiH, odnosno svojim nestručnim radom ili nedoličnim ponašanjem krmje ugled ispitivača ili karate sporta, suspenduju se sa liste ispitivača, komisije za dodjelu zvanja na rok od dvije godine, a dodijeljena zvanja se poništavaju.

7.5. Suspenzije predlaže Komisija za zvanja, a izriče ih Upravni odbor Saveza, nakon sprovedenog disciplinskog postupka.

7.6. Izmjene i dopune ovog Pravilnika vrši se na način i po postupku njegovog donošenja.

Broj: UO-13-01/21

Sarajevo, 24.03. 2021.godine

Miroљub Kremenović
Predsjednik KS BiH

